

掌
中
宇
宙

掌中宇宙卷之十三

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

博物篇上

草木部

五穀

麻黍稷麥豆一穀不升曰歉二曰饑三曰饑四曰瘠

五曰大侵

一禾九穗

洛陽縣界禾一莖九穗其年光武生

七年粟

劉殷夢曰西籬下有粟窳而掘之得粟五十鍾名曰
七年粟以賜孝子劉殷

蒼草百莖

蒼生文王墓上叢滿百莖上覆以祥雲下守以靈龜

冀莢十五葉

光時有蕈莖生於背自朔旦日長一葉至望滿十五
葉望後日落一葉至晦而盡次月復如之

三芝

石芝靈芝肉芝

五行草

馬齒莧葉青梗赤花黃根白子黑五行之色皆備

茶名有五

一曰茶二曰檟三曰護四曰茗五曰荈

五藥

草木虫石穀

枸杞四時名

春名天精子夏名枸杞蒸秋名卻老枝冬名地骨皮
目花為三十客

牡丹為貴客梅為清客蘭為幽客桃為夭客杏為豔
客蓮為溪客木犀為巖客海棠為蜀客優鉢羅為禪
客梨為淡客瑞香為貴客菊為壽客木芙蓉為醉客
荼蘼為才客臘梅為寒客瓊花為仙客素馨為韻客
丁香為情客葵為忠客楊花為狂客玫瑰為刺客月

季為痴客
棊為時客
石榴為村客
鼓子花為田客
棣棠為俗客
蔓陀羅為惡客
派燈為窮客
棠梨為鬼客

花有十友

荷淨友
荼蘼韻友
桂貴友
海棠名友
松清友
梔子禪友
蘭芳友
菊佳友
梅仙友

五果

李屬木杏屬火棗屬土桃屬金栗屬水謂之五果

梅具四德

梅蓋初生為元開花為亨結子為利成熟為貞

槐六出

一名鮮枝一名簷蔔一名林蘭獨此花六出

連理二栗

楊延慶母性嗜栗卒樹二株於墓上經年栗樹枝皆連理人以為孝感所致

三槐

王晉公祐手植三槐於庭曰吾子孫必為三公者已而子旦孫素相繼貴顯

五柳

陶潛宅邊栽五柳號曰五柳先生

田氏三荆

田真田慶田廣欲析產堂前有紫荆一樹亦議析荆忽枯稿嘆曰物尚如此况於人乎遂不分荆復榮

岷山兩樹

岷山兩樹對生一樹枯則一樹生如是歲更終不俱生俱枯也

一木四香

深山中一木根曰旃檀香節曰沉香花曰雞舌香膠曰薰陸香

六香樹

聚窟州有返魂樹狀如桐栢花香聞數百里凍液為香一曰鷺梅香二曰靈香三曰返魂香四曰震檀香五曰精鳳香六曰却死者凡人死聞香即活秦漢時嘗通於中國

草徵歲者七

歲欲豐而斗草先生齋是也歲欲苦而苦草先生黃

歷是也歲欲惡而惡草先生水藻是也歲欲旱而旱
草先生蒺藜是也歲欲雨而雨草先生藜是也歲欲
病而病草先生艾是也歲欲流而流草先生蓬是也

禽獸部

天下之物類五

脂者膏者羸者羽者鱗者

四靈

麟鳳龜龍謂之四靈龍以為畜故魚鮪不念鳳以為
畜故鳥不猶麟以為畜故獸不狘龜以為畜故人情

不失佐

五鳥

五方之鳥也東方發明南方焦明西方鷦鳴北方幽
昌中央鳳凰

鳳有六像

頭像天目像日背像月翼像風足像地尾像緯

鳳有九苞

二曰口包命不妄鳴也二曰心合度進退精也三曰
耳聰達居齋明也四曰舌拙伸能變聲也五曰彩色

光文采呈也六曰冠距朱南方行也七曰頸銳鉤武
可稱也八曰音激拗聲遠聞也九曰腹文戶不妄納
也

鳳有三文或曰有五文

首文曰頰德背文曰信義膺文曰仁智或謂首文曰
德翼文曰禮背文曰義膺文曰仁腹文曰信

鳳有十體

鵠前麇後蛇頸魚尾鶴頰鸞思龍文龜背燕頰雞喙
象鳳者五色

赤多者鳳黃多者鳩雜紫多者鸞鶩青多者鸞白多者鵠

鶴具七九之數

鶴陽鳥因金氣乘火精以有養金數九火數七故聲七年小變十六年大變

獨足鶴

漢武時有獻獨足鶴東方朔曰此山海經所謂畢變也

三足雀

夏侯祥廬父墓側有三足雀來集後位光祿大夫

鷓鴣飛止隨十二月之數

鷓鴣常向日而飛飛數隨月蓋若正月則一飛而止
二月則二飛而止餘皆依其數也

禽聲宜學習者有六

聽聲考祥篇曰鶴聲宜學仙雉聲宜習武鳥聲宜習
醫鴈聲宜習卜筮鵲聲宜習工巧梟聲宜習符咒蓋
各相近故也

鵲鳥三不吐

學口 卷之三
綬鳥一名鷓亦或謂之吐綬咽下有囊如小綬五色
鹿炳其吐有時風不吐雨不吐有驚惧不吐

禽獸自斷其尾者有三

狝中矢自斷其尾
犛牛被射自斷其尾
雄雉見捕自斷其尾
皆惡其為已患也

罽賓一鸞

罽賓國有一鸞不鳴以鏡照之則鳴

冲霄雙鵝

山陰道士管霄霞求王羲之書道德經舉紅鵝一對

相贈後鵝冲霄飛去

鵝價至五十萬

唐肅宗數與諸王幸興慶池聞鵝價至五十萬錢

雞有五德

頭戴冠文也足有距武也敢鬪勇也食相呼仁也守夜不失時信也

五色翠雞

西子毋憂五色翠雞自空中下化為鷄飛去乃生西

子

六鷁

春秋六鷁退飛過宋都

二鳥

唐憲宗時有獻白鳥白鸚鵡者韓愈因之有感作二鳥賦

一鵲傳赦

黎景逸養一鵲甚馴熟後景逸被誣下獄鵲忽立獄樓喜噪已而赦至乃鵲傳赦也

禽中五客

李昉黃五禽鶴曰閑客鷹曰雪客鶴曰仙客孔雀曰
南客鸚鵡曰西客

麒麟有五種

一曰聳脊其身體皆青三角光瑩按東方甲乙木見
則國家有災二曰炎駒其身皆赤身有魚鱗按南方
丙丁火見則國家有火三曰素具其身皆白其毛尖
利按西方庚辛金見則國家有兵四曰角端其身皆
黑按北方壬癸水見則大水死喪五曰麒麟其身皆
黃黃腹紫肉龍身虎爪按中央戊己土見則國家太

平天下豐樂

八駿

王子年拾遺記曰一絕地二翻羽三奔霄四超影五
踰輝六超光七騰霧八扶翼

唐時十驥

唐太宗時回紇獻良馬帝取其異者號十驥曰騰霜
駿曰皎雪驄曰凝露驕曰尖波踰曰飛霞驃曰發雷
赤曰流金馱曰翔麟紫曰赤紅

漢時九逸馬

文帝自代還有良馬九疋皆天下之駿也一日浮雲
二曰赤電三曰絕群四曰逸驃五曰紫騮六曰綠螭
七曰龍子八曰麟駒九曰絕塵號為九逸

四駿

蒲梢龍文魚目汗血

六馬

種馬戎馬齊馬道馬日馮駑馬

王昶五名馬位號

曰金鞍使者曰致遠侯曰驥園公曰千里將軍曰渥

注郎

七星鹿

鄱陽安樂彭曾射一鹿兩角間有道家七星符其祖
名字鄉居年月存焉

蠶蜥九首九尾

鳧麗山有獸如狐首尾各九虎爪馬鬣音如嬰兒見
則十年大稔

犀有二蹄三角

犀者徼外之獸狀如水牛承頭人腹二蹄皮黑有三

角鼻上角短額上頭上角長一孔二毛行江海中水
為之開

獅行日五百里

獅者獸中之王即狻猊也日能行五百里一名白澤
其形似虎色正黃有鬚尾端茸毛大如斗銅頭鐵項
能食虎豹等獸

熊行數千里

熊似豕長頭高角猛熊多力而性輕捷能攀緣上高
木見人則顛到投地行數千里悉有跽伏之數

夔聲聞三百里

夔似牛一足無角皮可冒鼓其聲聞三百里

騶虞日行千里

騶虞五采畢具乘之日行千里

貊具四獸之體

象鼻犀目獅首豺髮

象體具十二生肖

象南越大獸長鼻巨牙能浮水出入體具十二獸肉

唯鼻是其本肉

象膽隨十二月而轉

象膽不附肝隨月轉在諸肉假令正月建寅即膽在
虎肉是也

熊膽隨四時而移

春在首夏在腹秋在左足冬在右足

蚺蛇之膽一月三徙

上旬在頭中旬在心下旬近尾

蛇之吞獸有二

巴蛇吞象蚺蛇吞鹿

援應五音鹿應六律

家語曰五九四十五五為音音主援故援五月而生
四九三十六六為律律主鹿故鹿六月而生

羔有三德

有角而不用類仁者執之不鳴殺之不嗥類死義者
飲其母必跪類知禮者

麋有四目

麋有四目其二夜目謂目下有竅夜即能視是也

獒高四尺

大高四尺曰熬知人心可使

狐有九尾

白虎通曰德至鳥獸則九尾狐見

龍具九九之數

龍八十一鱗具九九之數九陽也

龍生九子

一曰蒲牢好吼今鍾上獸紐是焉遺像一曰囚牛好
音今胡琴上獸頭是其遺像一曰螭吻好望今殿脊
獸頭是其遺像一曰朝風好險今殿角上走獸是其

遺像一曰螭虎好文今碑端兩旁龍是其遺像一曰
負鼎好負重今碑下獸趺是其遺像一曰狴犴好訟
今獄門上獸頭是其遺像一曰狻猊好坐今佛座獅
子是其遺像一曰睚眦好殺今刀柄龍頭是其遺像

安樂二龍

安樂寺壁間二龍張僧繇所畫也獨不點睛僧繇云
若點之即當飛去後有人為一龍點之須臾雷霆破
壁上天矣其不點者獨在云

龍目能見百里

俗云龍精於目蓋龍孽故精於目也陰陽自然變化
論曰驪龍之眸見百里織芥

物之化龍者四

古有梭化龍者陶侃得織梭於雷澤掛壁門一日雷
電梭化龍去是也有劍化龍者雷煥之子佩劍過延
平津劍忽躍出化龍去是也又有竹杖化龍者壺公
以竹杖與費長房曰騎此任所之則自至至而投葛
陂顧視即化龍去是也又有小兒化龍者吳綽採藥
於華陽洞口見小兒手把三大珠戲松下尋化作龍

形不見是也

物之制龍者四

一曰鐵可起龍蛟湖中有白龍遇旱投敗鐵於內輒作暴雨怒濤湧出其鐵方已是一曰狗可魘龍衛城有龍井遇旱屠狗魘之風雨隨至是一曰酒可沃龍陸機餉張華鮓華曰此龍肉以苦酒沃之有五色光是也一曰醢可清龍舊說龍肉以醢漬之則文章生是也

龍有三畏

龍畏練樹葉五色絲 龍又畏蠟氣焚蠟則龍閉目
不敢開

鯉具六六之數

鯉三十六鱗具六六之數六陰也故好事者以六六
魚名之

魚腦十五日而盈

魚水物也故取數於月十有五日而盈淮南子曰月
虛而魚腦減是也

泉躍雙鯉

姜詩妻事姑至孝姑嗜魚膾不能常得舍側泉湧雙
鯉躍出又王延母思生魚求之不得母杖之出血乃
哭於汾水忽有一魚躍出取以供母

竹寄雙魚

杜孝以竹筩貯水入二魚以茅塞之放江中祝曰我
母必得此妻出而獲之笑曰此必我夫所寄也然而
薦之於姑後問之果然

六龜

六龜俯地龜仰西龜左倪北龜右倪東龜前奔南龜

後身

八龜

一北斗龜二南辰龜三五星龜四八風龜五日月龜
六二十八宿龜七九州龜八玉龜

九龜

一石二泉三蔡四江五洛六海七河八淮九旱

十龜

一神龜二靈龜三攝龜四寶龜五文龜六筮龜七山
龜八澤龜九水龜十大龜

十朋龜有四品

光龜距長尺二寸直一千一百六十為尺貝十朋公
龜九寸以上直五百為杜貝十朋侯龜七寸以上直
三百為公貝十朋子龜五寸以上直百為小貝十朋
是為寶四品

三足龜

龜三足四賁

九節

龜尾有九節

三足鼈

鼈三足曰能

蟬有五德

頭上有綏文也含氣飲露清也黍稷不享庶也不巢
君儉也應候鳴信也

蟻有與衆者三事

化書曰蝼蟻之有君也一奉之宮與衆處之一粒之
食與衆蓄之一罪無疑與衆戮之

蜂有兩衙

一曰早衙一曰晚衙其主之所在衆蜂朝之如官府
散衙

蝗有四種

食苗曰蝻食葉曰螻食根曰蝻食節曰賊

物類異化者四

蛇化雉雉化蜃鱉化蛟蟻化駒魚化龍龍化魚鼠化
鴛鴦化鼠龍化蛇蛇化龍雀化蛤蠹化蝶鳩化鷹鷹
化鳩此以形類化者也絮化萍苓化龜橘化枳梅化
杏莧化鱉樹化牛稻化蚕蔬化蝶腐菌化蜂腐草化

螢蠓麥化鐵朽木化蟬此以氣類化者也狐化男雌
化雄彘化鼯星化肉蕙化胡青化人雨化血地化毛
此以災異化者也杖化龍鳥化鳧人化羊星化豕井
化酒几化麇杞化犬米化丹墨化雨此以妖術化者
也形類也氣類也災異也天為之也妖術則人也天
之化常有人之化不常有天之化十八九而人之化
十一二或曰聖人何以不化曰詩書禮樂典章刑政
造非化也聖人之化神於道而術士之化神於妖

寶璽

唐制天子有傳國璽及八璽皆玉為之神璽以鎮中
國藏而不用受命璽以封禪禮神皇帝行璽以報王
公書皇帝之璽以勞王公皇帝信璽以召王公天子
行璽以報四夷會天子之璽以勞四夷天子信璽以
召兵四夷

國朝寶璽

舊制十七

新制七

皇帝奉天之寶

皇帝之寶

皇帝行寶

皇帝信寶

天子之寶

天子行寶

天子信寶

制誥

寶 勅命之寶 廣運之寶 御前之寶 皇帝尊
親之寶 皇帝親親之寶 敬天動民之寶 表章
經史之寶 欽文之璽 奉天承運大明天子之寶
大明受命之寶 巡狩天下之寶 垂訓之寶 命
德之寶 討罪安民之寶 勅正萬民之寶

六玉

上圭下璧南方璋西方琬北方璋東方璧

玉六色

有山玄文者有水蒼文者有白如截肪赤如雞冠黑

如純漆紅如蒸栗者

三帛

諸侯世子執纁公之孤執玄附席之君執黃

四寶

祗充結綠懸黎和璞

七寶

金銀珠玉琉璃車渠瑪瑙

夷寶十二

琨瑤之臯銅錯之琅火齊之寶駭雞之珎潁丹明璣

華銀璞紫具沉黃磬碧素玉

稜伽五寶

大珠鈿金寶纓象齒白氍布

二球

大球二尺小球尺二寸

珠六品

一寸以上謂之大品珠大而底平如覆釜謂之璫珠
次曰走珠次曰骨珠次曰環珂珠次曰紈珠

珠六在

龍珠在頷鮫珠在皮蛇珠在口鱉珠在足魚珠在眼
蚌珠在腹

黃玉三尺

孔子作春秋孝經成告備於大有赤虹自上而下化
為黃玉三尺上有刻文

掌中宇宙卷之十四

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

博物篇下

宮園部

明堂九室

如井田之制中南為明堂太廟太室太廟東為青陽

太廟左右个西為總章太廟左右个北為玄堂

五室

夏后氏世室有象五行也木室於東階曰青陽火室於東南曰明堂金室於西南曰總章水室在北曰玄堂土室中曰太室

三階

上階為天子中階為諸侯公卿大夫下階為士庶人三階平是謂太平

王侯三門

天子諸侯皆三門而名不同以詩書禮春秋考之天子有臯應畢諸侯有庫雉路天子外朝在庫門之內天子治朝在應門之內諸侯治朝在雉門之內諸侯外朝在畢門之內諸侯內朝在路門之內又曰何謂畢門畢者驛也王出之於此則驛也師氏掌焉何謂應門應應也何謂臯門臯告也王居外朝告萬民謀大事也

九門

路門應門雉門庫門臯門城門近郊門遠郊門

五學

辟雍東序瞽宗成均上庠

三雍

辟雍明堂靈臺

三臺

天子有三臺靈臺以觀天文時臺以觀四時施化圃
臺以觀鳥獸魚鱉也後漢書尚書為中臺御史為憲
臺謁者為外臺

三院

臺院侍御史隸焉殿院殿中侍御史隸焉察院監察御史隸焉

四香閣

楊國忠用沉香木為閣檀香為闌檻麝香乳香飾土為泥以塗閣壁謂四香閣

臨春三閣

陳後主作臨春結綺望春三閣以沉檀香木為之臨春後主自居結綺張麗華居之望春龔孔二妃居之飲饌部

八珍

食之美者曰珍一曰淳熬二曰炮豚三曰淳母四曰
炮牂五曰擣珍六曰漬七曰熬八曰肝膋又云龍肝
鳳髓豹胎熊掌鴟炙紫駝峰猩猩唇鯉魚尾謂之八
珍

四食

白虎通天子曰四食平日食太陽之始晝食太陰之
始脯食少陽之始暮食少陰之始

四膳

孟春食麥羊孟夏食菽雞五秋食麻犬孟冬食黍彘

四時之食

春宜羔豚膳膏香夏宜牀鱸膳膏臊秋宜犢犍膳膏
腥冬宜麋羽膳膏膾

懷肉四譽

漢伏日賜諸郎肉東方朔獨拔劔割肉懷而早歸上
令自責朔曰受賜不待何無禮也拔劔割肉一何壯
也割之不多又何燕也歸遺細君又何仁也上笑曰
令自責而反譽復賜酒一斗肉十斤

五侯鯖

漢婁護為王氏五侯賓客咸得其歡心每日五侯饋餉乃合而為鯖謂之五侯鯖

香七日

金鑿密記白居易在翰林賜防風粥一甌食之口香七日

醞酒二種

唐子西嘗醞酒二種其和者名養生主其稍勁者名

齊物論

酒之異品者三

酒有蘭生漢武百味酒也玉璫隋煬帝得法於胡人者也醞醱翠濤魏侍中徵所造也十年而味益美

盧仝七碗

一碗喉吻潤二碗破孤悶三碗搜枯腸唯有文字五千卷四碗發輕汗平生不平事盡向毛孔散五碗肌骨清六碗通仙靈七碗喫不得也唯覺兩腋清風生

飲食三養

東坡在黃岡齋食不過一爵一肉有召飲者預以此

告乃止一曰安分以養福二曰寬胃以養氣三曰省費以養財

冠服部

四旒

天子十二旒至地諸侯九旒至軫軫大夫七旒至轂士三旒至肩

冠四飾

曰衡曰紉曰紘曰紕

衣十二章

黃帝作衣木舞備十二章日月星辰山龍華蟲繪於衣

宗彛藻次粉米黼黻綉於裳

五服

公服衮冕九章侯伯服鷩冕七章子男服毳冕五章
依服絺冕三章卿大夫服玄冕一章士服皮弁無章
數

王后六服

周官內司服掌王后之六服褙衣榆狄闕狄鞠衣展
衣綠衣

三帶

錢俶進寶犀帶太祖嘆曰朕有帶三條汴河一條五
丈河一條惠民河一條俶大愧

組綬二法

長一丈二尺法十二月濶三尺法天地人

鳳毛二裘

周昭王以青鳳之毛為二裘一曰燠質一曰暄肌片
毛準千金

三鳥

赤鳥白鳥黑鳥

器械部

三彛

夏后氏以鷄彛商以斝彛周以黃彛

四罇

有虞氏之泰罇夏氏之山罇商之著周之犧象

四代之勺

夏后氏以龍勺殷以疏勺周以蒲勺

三代之豆

夏后氏以楬豆殷玉且周獻豆楬若昭反獻音莎

四代之俎

有虞氏以梲夏后氏以歲殷以楛周以房俎

音漣鰓

五几五席

五几玉几彫几彤几漆几素几五席藻席莞席次席蒲席熊席

三傳

四馬高足為置傳四馬中足為馳傳四馬下足為乘

傳

大劍

棠谿墨陽合伯鄧師宛馮龍洞太阿莫耶干將

三劍

越有二劍薛燭曰造此劍時赤崖坡出錫若耶溪出
銅歐冶所造曰鈍鉤曰湛盧吳有二劍干將與妻莫
耶造陽曰干將作龜文陰曰莫耶作漫理

楚王三劍

楚王劍三日龍泉曰太阿曰工市

三弓

寧中牛傳卷十
覆之而角至謂之句弓覆之而幹至謂之侯弓覆之而筋至謂之深弓

弓有三制

弓長六尺有六寸謂之上制上士服之弓長六尺有三寸謂之中制中士服之弓長六尺謂之下制下士服之

甲三

犀甲七屬兕甲六屬合甲五屬犀甲壽百年兕甲壽二百年合甲壽三百年

四匪

青匪曰延思在東言養人勸農之事者投之白匪曰
申寃在西陳抑屈者投之赤匪曰昭諫在南論時政
得失者投之黑匪曰通玄在北告秘謀者投之

雜事部

通五方之言

東方曰寄南方曰象西方曰狄鞮北方曰譯

周處三害

周處少時凶強使氣為鄉里所患又義興長橋水中

有蛟南山有白額虎並暴犯百姓謂之三害處見父
老之憂而問之父老曰三害未除何樂之有處遂刺
虎殺蛟自改勵為忠臣孝子

察俗五行

德宗遣黜陟使十一人行天下陸贄說使者以五術
察風俗聽謠訟審其哀樂納市價觀其美惡訊簿書
考其章訟覽車服等其奢儉省作業察其趨舍

詩四始

大明在亥水始也四牡在寅木始也嘉魚在巳火始

也鳴鳳在申金始也

五漸之門

易有漸卦老氏有妙門人之修真達性不能頓悟必
須漸而敬之安而行之故言漸門一曰齋戒二曰安
處三曰存想四曰坐心五曰神解何謂齋戒曰澡身
虛心何謂安處曰深居靜室何謂存想曰收心復性
何謂坐忘曰遺形忘我何謂神解曰萬法神通是故
習此五漸之門者了一則漸次至五神仙成矣

四留銘

王參政大伯號留耕嘗著四留銘於座右云留有餘
不盡之功以還造化留有餘不盡之祿以還朝廷留
有餘不盡之財以還百姓留有餘不盡之福以還子
孫貼於壁間忽一日雲霧四起霞光照耀失其書所
在

仕有五瘡

急催暴斂剥下奉上此租賦之瘡也深文以逞良惡
不白此刑獄之瘡也昏晨酣宴弛廢王事此飲食之
瘡也侵牟民利以實私儲此貨財之瘡也盛陳姬妾

以娛聲色此惟薄之瘴也

三游

游俠游說游行世有三游德之賊也

吳江三高亭

亭祠鴟夷子皮張季鷹陸魯望議者謂子皮為吳大
侏法不當祀有詩云可笑吳癡志越憾却誇范蠡作
三高

善用三短

北齊李諧因癭而舉頤因跛而緩步因塞而徐言人

謂善用三短

脇出六人

帝顓頊孫陸終氏娶鬼方女孕而不育十一年開左
右脇而出者六人其三曰老彭即錢鏗

掌中宇宙卷之十四終